

دائرة مخصوصه

در سعادتده باب عالی جوارنده

محل اداره :

مشرط القلم

اخطار :

مسلكمزه موافق آثار جديده مع المنوئيه

قبول او انور

درج اينده بن آثار اعاده او بنار

دينه، فلسفه، علوم، حقوق، ادبيات و سياست و باطاحه كرك سياسى و كرك اجتماعى و مدنى احوال و شئون اسلاميه و دينى و غير ذلك و هفتده بر نشر انور.

آبونه بدلى

صاحب و مؤسسى :

در سعادتده نسخه سى ۵۰ پاره در

ابوالعلا زين العابدين - ح . اشرف اديب

سنه لکى التى آيلنى

ممالك عثمانيه	ايچون	۸۰	۴۰	غروش
روسيه	»	۶۰۵	۳۰۵	روبله
ساثر ممالك اجنبيه	»	۱۷	۹	فرانق

تاريخ تأسيسى

قبرله دن مقوا بورو ايله كوندريلىر سه سنوى

۱۰ تموز ۳۲۴

۲۰ غروش فضله آلنير

عدد : ۷۱

۱ محرم ۳۲۸ پنجشنبه ۳۱ كانون اول ۳۲۵

اوچنچى جلد

عالم اسلام

احوال عمومی اسلامیه

استقبال اسلام

استقبال، رفاه و سعادت... نه قدر طاعتی که... طاعتی اولدینی قدرده زمانم زده موده درلر. صانکه بتون محررین اتفاق ایتشملر. دائماً بوندن بحث ایدر طورلر، اثنای مباحثه ده آتشین مطالعات یوریتیلر. آکلائی حقیقه جزم ایتشملر کی جدی و فعال طورلر طاقیرلر. اللرندن کلسه مطلقاً قارلرینی اختیارلرینه براقه دن بو استقباله و بورفاه و سعادت سورکلیه سورکلیه کورتورلردی. فقط افسوس بوجدیت یالکیز بر طرفه منحصر قالر، بو آتشین افاداتک حصوله کتوردیکی انفالات حدود مطبوعاتدن ایلری کچه مز. برچوق زحمتلرک محصول مساعیسی اولان بوجوقلر قارلر طرفدن برکچی نشئه ایله او قوندقن صکره کوشه نسیانه آتیلور - پکده حقنه رعایت ایدیلورسه - طوز طوبراقلر آلتنده چوریتیلور، احتوا ایتدیکی معانیسی دخی بر قاج دماغک تلافیف و تعارضنده اوج بش دقیقه تقرر ایتدکن صکره سیلور کیدر. فقط او استقبال ینه باقی... او رفاه و سعادت مال مرهون کی ینه اورطه لقدمه طوریتیلور. عجباً بونلر نه در؟

استقبال، رفاه و سعادت کله لری ذکر اولنور اولنماز خاطر مزه بک چوق شیلر کلیور؛ قلمزدن بیک درلو آرزولر قویور؛ دماغ مزه دهده بر قاج نوع قوملر رقص ایتیه باشیلور. فقط بونه در وهله تعیین ایدمیز. لیکن انکار قبول ایتمز برشی وارسه اوده استقبال دینجه آوروپانک احوال حاضرده سی خاطر مزه کلسیدر. رفاه و سعادت لرینه واصل اولان بر قومی کوسستمک استهرسه ک مطلقاً پارماغمزی غریبه طوغری توجیه ایدمیز: اوت، استقبال لرینه مالک بر قوم وارسه اولردر، دیرز.

فقط بو، نه درجه یه قدر طوغریدر؟

استقبال، وقوعی محتمل اولان هر بر فلاکتدن خلاص اولدقن صکره کوریلرک بر زمان اولدینی کی رفاه و سعادت ده بو استقبالده حال سکونته، خارجی و داخلی کافه غوائلدن مستریحاً بر معیشت کچیرمکدن عبارتدر.

هر بر فلاکتک اوکنی آلق؛ حال سکونته، امن و راحتده یشامق، بونلر انسانک یکدیگرینه بسله دکاری بغض و عداوتدن واز کچمزلرینه وابسته اولوب بوده حسابات بر برینه تماس ایدرک اتحادک قلباً حاصل اولدینی تقدیرده ممکن الوقوعدر. فقط اورطه لقدمه منافع دنیلن برشی طولاشیلور، که بوتنوع ایتدیکی تقدیرده اتحادک حصولی امکان خارجنده در، ذاتاً انسانلری بغض و عداوت قیدی التنده ازنده بوقوتک تخلفیدر. بناء علیه، منافع، تنوع ایدرک اورطه لقدمه طولاشدقجه

ایناه بشر یکدیگرینک خصم جانی کسلور. بو حالده نه استقبال کوریلر بیلیر، ونه ده رفاه و سعادت تصور اولنه بیلیر. ایشته بی بشرک بونعمت عظمایه واصل اوله بیلرک چی ایچون با بومنافع مختلفه اورطه لقدمه قالدیرلرلی و یاخود بوکا تأثیر ایدمیزک یعنی بر مجرایه سوجه قادر اوله جق بر قوت بولمی. بونک ممکن اولوب اولمادیغنی بزه آنجق تاریخ کوسستیر. زیر تاریخ بتون دنیانک تجاربیدر. واقعا صحائف تاریخیه باقه جق اولورسه ق منافعلری طبان طبانیه ضد اوله رق نیجه زمانلر نهب و غارتله امرار اوقات ایدن بر چوق قوملرک، قبیله لرک چارچابوق کچیردیکنی بک چوق دفعه لر کوررز. البته بوتقیدات و تبدلاتک بر قوته تابع اولدیفنه شبهه ایدیه مز. بوندن آکلاشیلور، که بی بشری یدتسخیرنده بازیمه مقامنده قوللانان منافع مختلفه یه تأثیر ایدمیزک و بونی بر مجرایه سوجه رق منفعت واحده حاله افراغ ایدن بر قوت وارمش.

زمان جاهلیته عربستان شبه جزیره سنده ساکن بالجمله قبائل بیننده قان دعوالری، قصاص جرحلری اوقدر یوکسلمش ایدیکه قوجه عربستان قیب قیرمزی، آتش رنکنی آله رق نسل عربک بتون بتون انقطاعه اوغرامه سی هر کون و هر ساعت انتظار ایدیلن شیلردندی. بودعوالر و بوندن حصوله کلن متاتله لره هب اغراض شخصییه و منافع خسیسه دن تولد ایدرک دین مبین اسلامک تجلیسی بر آزدها تأخره اوغرامش اولسه ایدی هیچ شک و شبهه یوق ایدی که عربستان جایر جایر یاندقن صکره کول اوله جفی کی بتون قوم نجیب عربده بومنافع خسیسه و حسیات جاهلانه اوغرینه قربان اوله جقلردی.

برکت و یرسون، عنایت ربانییه مظهریتله بین الاقوام ذکاجه، انسابی، ممتاز بر موقعی احراز ایدن بوقوم نجیب محاطی بولندینی فلاکتدن قورتلدی. اسلامیت اورطه لقی آلت اوست ایدن اومنافع خسیسه بی ده اورطه لقدمه قالدیررک منافع نامنه آنجق برشی براقدیکه اوده منافع مشروعه اسلامیه در. یالکیز براققله قالمده دی. برده بومنافع اوغرنده بک وجود اوله رق چالشه سنی لواء اسلام تحتنه التجا ایدن هر بر مسئله وجیه ذمت عد ایتدی. غریلر بتون موجودیتلرله بو طریق مستقیم اوزرینه آتیه لرک ایلرویه یورومیه باشلادیلر و بوسایه ده ساحه سلامتیه واصل اوله رق دنیانک اک مترقی قومی صره سنه کچدیلر. ایوان کسراده آلتونلره مستغرق اوله رق تحت نشین اولان بر ذات عربستان چوللرنده یالین آیق، آجیق باشله کزن بر عربک ویردیکی حکمه بیون اکمه مضطر قالدی. بونلر فی ذاته اسلامک مظهر اولدینی بر عنایت ربانییه ایسه ده، بو عنایت ربانییه مختلف منافعلره خدمت ایتیه رک منافع نامنه آنجق برشی طانیدقنلرندن یالکیز اسلامیتک سطوتی کوزتدکارندن طولایی نائل اوله بیلدیلر. منافع بر اولونجه بالطبع اتحادده حصوله کلیر. چونکه اورته لقدمه فزاقی باعث برشی قالماز. ایشته بونلر اسلامیتک ویردیکی قوماندایه نقطه بنقطه رعایتله اطاعت ایدرک حسیات اخوت کیتدکجه آرملرنده تزییده باشلادی. بونی برشی بک قولایلاشدیریور ایدیکه اوده اسلامیت نظرنده بر ملکک بر عبد حبشی ایله مساوی اولمسه ایدی. اسلامک نظرنده بونلر یکدیگرینه قارداش اوله رق بر برینه قارداشجه سینه معامله ایتیه

مجبور ديلر . بوكا رعایت ايتمه ديكي تقديرده دينه تماميله رعایت ايتماش صاييلوردی . زیرا اسلاميك ايكسجي اسمی اخوتدی . ايشته بوكی قوانین مبعجله سایه سنده در ، كه عربلر رفاه وسعاده واصل اولديلر .

[استعذب الله : اذ كنتم اعداء فالف بين قلوبكم فاصبحتم بنعمته اخوان وكنتم على شفا حفرة من النار فانقذكم منها ... الخ]

تاريخك شو صحيفه لری بزه يك آجیق اوله رق كوستریور كه انسانك وجودینی تخریب ایدن منافع مختلفه غلبه چاله حق و بونی بر بحرایه سوق ایده جك یكانه قوت دیندر . ابناء بشرد حسیات دینیه حقیله حكمرما اولورسه منافعلر هپ برلشه رك منافع مختلفه نك ایراث ایده جكي ضرره دكل وجودینه محل قالماز . انسانده بوبلادن خلاص اوله رق مطمئن بر حالده یشار . بوكون آوروپا ظاهرآ استقباللری يك پارلاق بر قومه بكنز رفقط امین اوله لمكه استقباللری يك تهلكه ده در .

زیرا بری برینه اویمان منافع بونلرده هر شیک اوکنده طوتلدیغندن هر دقیقه و هر ثانیه بیوك بر بحرایه یا قلاشیورلر ، احتراصات وجودلرندن بر پارچه سنی ییور . بوكون بر آلمان بر انكلیزه قارشو سلاح بدست اوله رق حربیه مهیا اولدینی کی بر روسده بر آوستریالی به قارشو صوبا بدست اوله رق غائب ایتدیکی سیاستلرینك آجیسنی چیقارمیه بر فرصت بکله مکده در . بونلردن ماعدا ایتالیاك آوستریایه دلمانده اولدیغندن طولای رسمی اتفاقلره رغماً درونی بر عداوت بسلمه کده اولدینی و آرده بر حسیاته قابله رق بو عداوتك فوران ایدوب خارجه چیقادیغنی کوررز . ذاتاً فرانسزلرك آلمانلره قارشو الساس ، لورن وقعه سندن طولای هیچ بروقت سیانمیه جك بر انتقام بسلیه رك بونی بالفعل اجرا ایچون فرصت بکله دکارینی ذکره حاجت کورمام . دیمك باروت اوجانك اوزرینه قویولمده آنجق ایشلر بر کبریتك چیزلما سنده قالیور . فقط بوكون دکله او برکون ...!

آوروپا شهراه مدنیتیه قدم انداز اولور اولماز دینه عدم رعایت کوسترمشدی . و بونی ده بعض ظاهرینلر مصیب بر فکر تلقی ایدرك جسارتلرینی « دین ایله ترقی بر یرده تجمع ایده مز » دیمكه قدر وارد دیلر . فقط کچمش و کچمك اوزره بولنان وقوعات تاریخیه بونده آلدانمش اولدقلرینی پیدرپی میدانه چیقارییور . اوت ، ترقیلری ، همه حال قاتوليك کلیسارینك استبدادندن خلاص اولیه وابسته اولدینی انکار ایدیله مز . فقط بویله شیلردن خلاص اولق ایچون حسیات دینیه بی بتون بونه کوکندن سوکوب آتمقده لازم کلمزدی . اکر بوكون حسیات خرستیانیه آوروپاده حقیله حکمرما اولسه ایدی شهسز منافعلر بر برینه بو قدر تضاد تشکیل ایتزدی . قوجه من آوروپا تفریق جنسه رغماً بتون بونه بر کتله واحده حاله کله سه بيله منافع مختلفه نك یکدیگرینه چارپشمق قورقوسندن خلاص اولمش اولورلردی . و بونك سایه سنده راحت راحت بتون دنیایه مالک اوله رق کندیلری تام بر سکونت ایچنده یشارلردی . زیرا اووقت نه بر انکلیز قوت یومیسنی بر آلمانك هلاک اوله سنده آراردی ، ونده بر آلمان ، منافعی بر انکلیزك ضررینه اولق اوزره تأمین قالقشوردی . بتون

آوروپا حقیقتاً بر خرستیان عالمه دونه رك منافع نامنده بر منافع خرستیانیه طانیلوردی . فقط بویله اوله دی ، هر بری کندینه مخصوص بر منافع آرقه سندن قوشمه به باشلادی . ايشته بونکچوندر ، كه بوكون آوروپا ، بری رزقی دیگرینك هلاک اوله سنده آراد یغندن آب و هوا قدر لازم اولان آسایشك منحل اوله سندن تیرتیر تیتریورلر . آره لرنده اغراض او قدر چوغالمشدر ، كه عاداتا بونلر بر رواجی بر تله ربط ایدیلر رك اوروپانك هر بر کوشه سینه یرلشدیریلان بومبارله بکنزیور . بوتلك بر طرفك آزا جیق صار صلماسی بتون دنیانك آلت اوست اوله سیله نتیجه پذیر اوله حق . ذاتاً غریبم زده بر پان ژرمن تأسس ایدرك آلمانیا ایله آوستریانك کون بکون یکدیگرینه صقشمه سی ، شمالم زده کی روسلرك بیوك بیوك فداکارلره قاتله نه رق بر پان اسلاو تشکیله قوشقولانمیه سی کندیلرینی بوتلرك اطرافندن بر پارچه اوزاق طوتمق ایچون یاییلان بر نوع تدبیردن باشقه برشی دکلدی .

فقط بوراده بر عنصر کوزه چارییور ، كه اوده اوج یوز آلتمش میلیون به بالغ اولان اسلام عنصریدر . عجبا بونلر حصولی متصور اولان بو حادثه نك بیكانه سمیدر ؟ یوقسه بو منافعك اسلاملره تماس ایتدیکی نقطه سی اوله رق بونجه افتراقندن اسلام عنصری کندی فائده سنی تقدیر ایده بيله جکمی و بوسایه ده حیاتی محافظه به موفق اوله جقمی ؟



هر کسك معلومیدر ، كه آوروپا ، صناعت تجارتیه اویله بر حاله کلمشه فقراسنی بسلمه مك ایچون همه حال معمولاتلرینه محتاج اولان بریر آرامق مجبوریتنه درلر . بومعمولاتلرینه زرده احتیاج کوریلورسه فقراسنك ارزاقی اورادن تدارك ایدیورلر . دیمك عمله صفتیه فابریقالرنده چالیشان میلیونلرجه فقراسنك اکمکنی ویرن تجارت وصناعتدن محروم بریرلدر . بویرلر اولماز سه میلیونلرجه عالمه آوروپاده چیرچیلیق قاله حق .

بوندن آکلاشیور ، كه آوروپا هر شیدن اول بویله بریر بولق مجبوریتنده قالیور . فقراسنه بونی تأمین ایتدیکی تقدیرده آچلقندن حصوله کلن براختلالك قارشو سنده بولنیور ، كه بو اختلال باشقه لرینه بکنزه ماز براختلالدر . بناء علیه فائده لندکاری برلری اسکسی کی براقق ، شهراه مدنیتیه دخول لرینه ممکن اولدینی قدر ممانعت ایتك و بونك ایچون انواع دسائسه ارتکاب ایتك اخص آمالریدر . ايشته بوندن طولاییدر ، كه بویرلره کیردکاری وقت یکدیگرینه نه قدر رقیب اوله رق کرمش اولسلر بيله اهالی محلیه آرمه سینه افتراق نخمی صاچهرق بونلری مدنیتدن محروم براقق خصوصنده متحد بولنورلر ، ذاتاً بوكا مجبوردرلر . زیرا منافعلری اقتضاسنددر . ایمدی صناعت ، تجارتدن محروم یرلرك قسم اعظمی اسلاملر تشکیل ایتدیکنی ذکره بيله لزوم کورمیورز . دیمك آوروپالیر کندی بیلرنده جریان ایدن بونجه افتراقلره رغماً بزده بوا سلام عنصرلری آرمه سنده صناعتك مدنیتك تعمم ایتما سینه سعی و غیرت ایدیورلر . واقعا بویله میدر ؟ البته اسلاملرك شمدیکی حاللرینی نظر اعتباره آلورسه ق حقیقت میدانه چیقار . واقعا

اهمیت ویردك بيوك بيوك تشبثلرده بولمەسى - آچيق سويلمەلم - يمن، حجاز قشقه سنده عربانه ماوژرتفكركلرک توزیع اولمەسى، روس حكومتك ناشر افكارى اولان نوويه ورميانك صانكه يانغين ايجروسنده قالمش آدم كى باغره رق ايكي ده برده بان اسلام تشكلى ایدیور محو اولیورز دیرك افكار عمومیه نك ذهنتی تخریشه چالشمەسى و بوندن مقاصد خیسەسى ایچون برقاثة بکله مسی هیچ تأمله حاجت برافه دن اتحاد اولان احتیاجزی، حیامزی آنجق اتحادك حصولی تقدیرنده ممکن اوله جنفی علناً کوستریور، آچیق دن آچینه آ کلاتیور. فقط بیکلرجه ایوا، که بز حالا آ کلامیورز. حالا کندی میزی سکنجی عصر میلادی مسعودیتنه ظن لیدرك یالکز مسعودلره یاقشان امن و راحت ايجروسنده میشل میشل اویورز فقط کوزیمزی آچه حق اولورسوق کندی میزی غریبلرک آغزنده، چیکنه نمک ایچون کسکین دیشلرینک اوزرینه قویوش برحاله کوررز.

رسمی خبرلره اهمیت ویرمسهك بوکون یمک اختلالدن چایر چایر یانمده اولدیغی کوررز فقط بونلرک اصل مشوقلری کیم؟... قوجه مان ایران - بیلیمکه هانکی آلچق لک اغفالنه قابلسزدر، آرده بر مذهب برودتی حکمفرما اولدیغندن - خاطر مزه بیلکلیور. بوکون ایران لقطه حکمنده بولنیور. حیاتی روس شرق بارومیتک دیللی دائما فورطنه اوزرنده طورمه سنه وابسته در. بتون اولاد ترک مهدی اولمقله برابر وقتیه مدینتی بتون عالمه کوسترن، فتوحاتیه جهانگیرلیکله بتون دنیای حیرته برافان ترکستان قطعه جسمیه سی ایسه آنور، کلدان دورلینی خاطره کتیریور و بونلره حقیقی بر مثال تشکیل ایدیور، تاریخ مراقیلری تاریخ قدیمه اوقومش اولدق لری آنور کلدان دورینی عملیاتیه کورمک استه درلره طوغری بورایه کیتونلر، امیر تیمورک نیجه ونجه مزاحلره قاتلنهرق، حسانی یالکز الله بیلن بر مقدارده قانلردو که رک تعمیرایتدیکی بودیاری بوکونده صانکه بریانغین چرمش... صانکه بر زلزله یه دوچار اولمش کی بر خرابه زار حالنده کورور. اهالیسی ایسه صانکه تپه صحراسنده طولاشیورلر. متحیردرلر، سرسمدرلر، بیلیمک نامنه برشی وارسه اوده یالکز عناددر. حق اولسون ناحق اولسون برشی عقلارینه کلزسه عناد ایتک حقیقی کونشی انکار ایتک بونلرک برافه میه جق لری برعادت لیدر.

بونلرک شمانده کی تاتارستان (ذاتاً بواسم چوقدن سیلنهرک، داخلی روسیه تعمیر اولنیور). تاتارلرک کندی لری ایسه یکی آفاق اوزره یورومیه باشلامش برچو جق درجه سنده در. قوشیور، قطع مسافه ایتک استیور، فقط نره یه طوغری یورودکلرینی کندی لری ده بیلیمور... ده طوغریسی بر مجهوله، بر قارا کلغه. برده دین نامنه طولاشان فتوازه و بوقوالری ویرن مجهول السیا مقیلره باقکز اولور شیلردن دکل... .

افغانستان، بلوچستان، جاوه لک حاللری ایسه بزجه بتون بتونه مجهولدر.

عجباً بو حاللره نه دن کر قار اولیورز؟ جوابی ده پک ساده در:

مال اسلامیه نك احوالی تدقیق ایده جك اولورسوق هریرده عین بلانك قارشوسنده اولدق لری کوررز، که اولانك باشلیجه سی کندی آرالرنده کی کرکینلکدر. «اسلامیت اتحاد دعوت ایدیور؛ اسلامیت اخوته دعوت ایدیور؛ اسلامیت منافعه کی برلشدیریور» کی وعظ ونصیحتلر واعظلر خطیبلر طرفدن همان هردائم سويله نلکده. فقط آدیوران کیم؟ یالکز بونکله قالمیور برده مطبوعات عکس ایدرك بونجه زماندن بری یالکز دیانت جهتنجه دکل بلکه سیاست جهتنجه ده بو اتحاد، منافعه کی برلشدیریور محتاج اولدیغمی ستونلر طولو بندلر، مقاله لر یازلمقده؛ فقط نظر اعتباره آلانلر نره ده؟ ودها بونکله ده قالمیور آرامزدن بض حیتبروران چیقارق بتون عمرینی وبتون ثروتی بو اتحاد اوغرینه هبه ایدیور فقط بز اسلاملر... اوت، بز بدبخت اسلاملر نه ایله مقابله ده بولنیورز؟ کفران نعمت ایله ودها ایلرولرسهك مستبد بر حکومتیه ژورنال ایتکله دکل؟ بورزاللری یاپان هپ قوت یومیه لری دین ایله تأمین ایدن شخصلر اولدیغی ذکر ایده جك اولورسوق غرابتکز برقات دها آرتمازی؟ واوزریمزه صالیوریلان دسائسلرک وچوریلان فیلداق لک کیملر طرفندن و هانکی بيوك قفالرک محصول مساعیسی اولدیغی تعینده عاجز می قاله جغز؟

بوکون بوقوجه ملت اسلامیه نك تعقیب ایتدکاری منافع اوقدر تنوع ایتشکه - معاذالله - بینمزمده کی قوه رابطه نك موجود اولوب اولمادیغنده شبهه ایدر درجه سنه کلیورز. اسلامیت، بوقوه رابطه مقدسه بزلدن ترک، تاتار، عرب، آناوود، کرد... سائر و سائر کی عنوانلری سیلهرک هیمزی بریره طوبایله رق مجموعمه بر عنوان ویریور، که اوده «اسلام» در. و بونکله بتون منافعه کی بر نقطه یه جمع ایتش اولیور. فقط بزلر ایسه... حالا اسکیمی کی بر طاقم عنوانلری ایلری سوره رک کندی میزه آری آری بر طاقم منافع تأمیننه اوغراشیورز. لیکن ظن ایتام بوکا موفق اولم. چونکه قارشومزمده آغزینی برادر کی آچش آروپایه برکومه یی کومه حالنده یو طمق نصل قابل دکل ایسه پارچه لیدیغی وقت یو طمق ده اوقدر قولای برشیدر. دیمک ایستیورمکه یونانستان اوتیه طرفده طوررکن آناوودلرک ترکلردن، آیلوب کندی لری نه مخصوص بر منافع تعقیب ایدوبده بوکا موفق اوله لری بر خیالدن باشقه برشی دکلدر. باشمک اوزرنده انکلیزلر مترصد و مترقب بولنمقده ایکن عربلرک سواد اعظم دن آریلوب حیاتلرینی یالکز باشلرینه محافظه ایده بیلیمه لری تصور ایللری عقله کلور شیلردن دکلدر. کذلک اخص آمالی نصلسه پارماغنه قابانی روسلشدیرمق اولان روسلر قارشومزمده طوررکن بز تاتارلرک ده (ایله بر تاتارز، که معارف عمومیه مز الفساق) اوت بز روسیه اسلاملرینک ده کندی میزه مخصوص صانکه خارجک معاوتندن استغنا کوستره رک اسلام منفعتی دیمه رک «تاتار منفعتی» دیه مجهول بر نقطه یه طوغری قوشمه یه باشلارسوق بو مجهول نقطه نك مزار اولمادیغی نره دن بیلیمورز؟ ذاتاً آروپانك بوا فراقلره صولک درجه

قونت اولسوفيه فك افاداتی

۱ كانون ثاني تاريخيله پترسبورغدن اوسمايشير لويده غزته-نه بروجه آتی يازيلور :

روسيه مجلس مبعوثاننده محافظه کاران فرقه-سنة رياست ايدن قونت (اولسوفيه ف) بوضوك كونلرده پانسلاويزم افكارينك عليهنده مهم نطقلر ايراد ايتمشدر .

بوذات اول امرده روسلرك اقصاي شرقده دوجاراولدقلى حال اسف اشمالدن بحث ايتمشدر . موسى اليه ديمشدر كه : « روسيه نك مانچور يده دوجار اولديغى قانلى مغلوبيتلر ناسيوناليسست وپانسلاويست فرقه لرينه درس عبرت اوله حق شيلردر . فقط حيفا كه اوفرقلر ارباب تاريخدن استفاده ايتك ايتستورلر . روسيه پولتيقه سنك عصرلردن برى آتديغى خطوات فتوحاتكارانه بوندن بش سنة اول دوجار تاخير اولدى . روسيه حكومتى اقصاي شرقده حال جمهوريتده بولنان موغول عنصرينك ضررينه اجراى فتوحات ايتمشدى . فقط هر دورلو انتظارك خلافت اوله رق محاربه موغول عنصرينك دكل ، اسلاو عنصرينك اويوشمش اولديغى كوسترمشدر . زيرا كنجلشمش اولان زاپونيا صوك درجه بويوك برقوت ابرازينه موفق اولمشدر . شيمدى عالم اسلامده ده اويله بر تحول اثرى كوروليور . ايرانده ، دولت عثمانيه ممالك كننده اجراى فتوحات املنده بولمق ۱۹۰۴ و ۱۹۰۵ سنه لرنده ووسيه يي محو اوله حق حاله كتيرمه باعث اولان احوالك بركره ده تكرارينه سببت ويره بيلير .

عالم اسلام بوكون بر دوره جديد تجده داخل اولمش بولنيور . روسيه نك عالم اسلامك ضررينه فتوحات اجر ايتديكي بوراده موضوع بحث ايدلمز . روسيه ۴۵۰ سنه دن برى عالم اسلامه قارشى تجاوزكارانه طاور ايتمشدر . بوكون روسيه يه سياسته واداره لازم اولان يرلرى دكل ، بامكه اتنوغرافى ايجابنه موافق اولان محللارى اشغال ايتك لازمدر . كوندن كونه كنجلشمكه اولان دولت عثمانيه نك دلاليه اهل اسلامك تجاوزده باشلايه جنى زمان پك ده اوزاق دكلدر .

بونك دليلي برمدتدن برى ممالك عثمانيه ده ، ايرانده ، وهندستانده جريان ايدن احوالدر . مؤثر برقوة نظريه يه ممالك اولانلره مجهول دكلدر كه عصرلردن برى بيغوله نشين عطالت اولان روس اهالى مسلمة سى ياواش ياواش اويانيور ، بالاخره نتيجه سى ابي اوليه جق بر حركت آثاري كوسترييور . بوكوندن اعتباراً روسيه نك عاقلانه پولتيقه سى بو اولمليدر : شيمدى يه قدر يدحكمه كچمش اولان يرلرى محافظه ايتك وبورالرده آثار مدنيتى تكثير ايتك . »

كندى كنديلكمزدن . بينمزده اتحادك تمر كنز ايدمه مامسندن .

بر قاج سنه لردن برى مطبوعات عالنده پان اسلامه دائر مقاله لر كوزيكور . حتى بعضاً اوتده بريده اتحادده دائر جمعيتلرك تشكلى ايتديكنه دائر اندر اولمق اوزررده حوادلره تصادف اولنيور . فقط ينه بو لذتلى لذتلى مقاله لر ايله ستونلر طولوسى پروغرام يازمك اوتده طرفه كچيله ميور . عمليات جهته كلنجه صورمايز ... چونكه ... فقط امين اولم كه قارشومزده آورديا دنياي جسم برقوت بولندجه بزلرى آنجق برشى قورتاره بيلور ، كه اوده پان اسلام در .

دائما كوزمرك اوكنه تشكلى ايتمش بولنان پان ژرمن . پان اسلاو جمعيتلرني . كتوره لم بولنرك تشكلى ظاهرأ بوايكي عرقك يكديكرينه قارشو محافظه حيات ايچون اولسه ده فقط عين زمانده اسلام عنصرينى بردها اسكى سطوتلرينى اعاده ايدمه جك درجه يه قدر ازمك ايچون آلت اوله رق استعمال اولنه بيله جكنى خاطرمدن چيقارميه لم . نه قدر احتياطي طاور انورساق او قدر كار ايتمش اولورز . اوت ، حياتمزي انجق پان اسلام سايه سنده محافظه ايدمه بيله جكنز . ظن ايدرسيم بزلرى بوندن منع ايدمه جك برشى يوقدر . سياسته طوقونه جقمش . فقط بو سياستك بزم ضررمزه اولمقله برابر وهم وخيال دركه سندن ايلوله ميان برس سياست اولديغى خاطرمدن چيقارميه لم . چونكه اسلاملرك يابه بيله جكي پان اسلام آنجق كنديلرينى مدافعه ايچون اولوب هيچ بر طرفه فكر تعرضي متصور دكلدر . زيرا بر دقيقه لرني بيله غائب ايتمه دن عصرلرجه چالشلر بيله ديكرلرينه تعرض ايدر برقوة مالك اوله ميه جقلر . آنكه چون بو سياست آنجق بر وهم وخيالدين عبارتدر . وبوندن طولاي آوروپانك محورنده هيچ بر تأثير بر اقمز . بناء عليه بونك ايچندن برس سياست ارامق اوروپاليلرك ضررينه كى تلقى ايدرك اغبرار-لرينى موجب اوله جق ديمك پك كولنجدر . عادتاً كنديمزي آوروپاليلره رقيب اولور درجه يه واصل اولمش كى برخوليايه قايديرمش اولورز . فقط شوراسنى سويله مدين كچه مهم : آوروپاليلر بوراده برشى غائب ايدى-ورلركه اوده بو مامت عظيمة نك جهالتدن بالاس-تفاده يوطمق فكري . فقط آچيقدن آچيغه كندى ضررمزه اولان بو فكرلرى نظراعتباره آلهرق بوكا رعايت ايتك ايچون كندى حياتمزي تهلكيه قومقمده پك او قدر عقله صيفار شيلردن دكل ظن ايدرم . اتحاد ... ! اوت ، سويله مسى پك قولاي فقط عمليات جهته كلنجه بر آز اغرلشيور . حتى عدم موفقيت احتمالاتك تصورى بو غايه مسوده يي بر عنقا كى كوسترييور . فقط مايوس اوله مى . زيرا اسبابنه توسل ايدلديكي تقديرده وجوده چيقمايه جق بو عالمده هيچ برشى يوقدر . عجباً بونك اسبابي نه در ؟

مشكلى نيست كه آسان نشود

مرد بايد كه هر آسان نشود

ترويسكى لى احمد تاج الدين

مابعدى وار

« مطبعة خيرية » وشركا سى مدير مسئول : اشرف اريب